

是

程

堂

集

是程堂集卷第七

錢塘屠倬孟

夏夜三絕句

雨餘山石長莓苔竹裏軒窗暑不來一樹白藤花似雪
夜深風露却全開

十丈栴檀過屋檐風多涼透夜明簾秧田雨足知猶未
看取盆池寸許添
辟暑無方只閉門宿醒纔解又傾尊無心觀化化先及
一箇流螢黏草根

同人蘇齋小集

晚涼格格響輕雷雨意前山作意催淺水池如環曲尺

早荷花欲放重臺病餘愛對顏唐客醉後猶呼冷淡杯
文字紅裙兩不廢隔簾檀板一低徊

十五夜與小湖步月書事

秋氣能悲不能逸秋士宜秋復宜月今人誰是謫仙才
逸氣散作秋聲來謫仙已作騎鯨客萬古長留月華白
我心悲逸兩不知江流無聲天一碧饑烏啞啞啼長林
巖城漏下簫管沈檀槽急撥翠蛾斂秋聲滿樹愁人心
愁心爭似月華滿星斗寥寥卓圓織千場博得開口笑
萬金不買良宵短西風吹人不肯還美人清涕橫闌干
踏歌聯臂市中走那識山中月更寒

十六夜高文邁庵集小檀藥室王君新樹復攜茗

果置大觀臺遺急足見招輒與邁庵踏月相赴
何地無明月但少閒如吾兩人君看長帽翁一生幾訪
張懷民住山占得僧房好看月占得江樓早高翁微笑
一掀髯也說如吾兩人少王郎却住寶月山今宵亦復
如我閒我居清平山較僻挈榼待我苔岑間兩山相去
隔幾里高臺我我半山起上方平揖浙江潮半窗遠納
西湖水此時皓月當中天或據地坐或醉眠蒙頭濕透
露華白四圍濃綠團蒼烟彩雲忽向樹梢挂却與江水
相澄鮮所惜清光不如昨夜足一分減却冰輪圓何來
仙人騎白鳳天風吹衣五銖重喝退行雲不許停魚鱗
割碎玻璃凍我思當年蘇老夜下蒼梧灘起舞不作三

人看復言天壤間何人不清安可知清安在人耳我但
能閒亦如此胡然杭城十萬家兀兀同在秋夢裏山中
故人復遠遊離心北指黃河流只有清風明月不須買
照我今夜吟上江邊樓人生可樂會須樂千秋萬歲安
能愁行行迴指下山路先送王郎過山去

十七夜步月大觀臺復飲寶月山房三絕句

蛩聲作意送秋來晚眺還登百尺臺江面芙蓉鬧秋雨

大杆燈上一齊開

見江干設盂蘭盆會放荷燈甚盛

得得芒鞋破蘚痕西風搖兀楚騷魂夜深絡緯啼烟歇
涼月如潮吹到門

不爲尋秋不上山鐘聲送我出禪關不如公等多情甚

迎我來時復送還

時素門遠處蘇門新樹
送余至四宜亭別去

十八夜春松觀察書農庶常青士孝廉積堂上舍
同集拂塵庵涼雨初歇華月忽上復陪諸公登
紫陽山還宿庵中鐙下拈韻得見字

幾日殘暑消涼意滿僧院不嫌月上遲差喜客來便秋
宵滌煩襟微雨爲之先雲從別峰生風自長材扇山居
境逾寂譚深坐忘倦蕭蕭竹聲疎滴滴檐溜濺是時夜
過丙忽吐流雲絢天空撒繁星江淨曳匹練月華翳復
明喜與嘉客見軒窗透瓏玲楂枿悅葱蒨四圍光明燭
頃刻狀候變羣峰亦破笑爭出關窺變紫陽高百尺平
視江對面屋顛聳孤出徑曲通一綫呼童撥蒙密縱步

脫拘牽芒鞋踏草露爛爛如潑澱走避怪石蹲坐列嘉
樹選幽懷洗塵翳曠宇豁遙眇雲沙接滉漾蘿壁觸蔓
延凜乎不敢留欲去意還戀打頭梧葉落風吹作胡旋
歸途振衣衫脫落雲幾片入門山大吠寒慢風銚顛重
呼整杯竿展席安筆硯境奇不苟同語妙經百鍊疑有
蛟龍聽陰森出古殿

題汪瘦山吟秋圖

詩老類秋蟲吟秋聲百種吾讀歐公語愁思集倥偬不
如君懷澹觀化息羣動胡爲亦苦吟肩作秋山聳蕭寥
衆籟寂風雨一銜擁曉起報園丁疎花發寒隴

看雲

看雲兼看水吾與爾忘形草木含生理鳶魚見性靈
豐年今飽飯陋室且橫經領取南華旨孤懷託窈冥

雨過閒步看秋色時庭桂亦有消息矣雜綴成詠

短籬亂插秋花嬌西風一吹數尺高海棠的的雨新沐
雞冠危危風獨搖高枝低枝各相亞側出一枝穿葉罅
胭脂草濕細蔓鋪牽牛花弱瘦竹扶腥紅紺碧爭媚嫵
蝴蝶飛來避秋雨更有開殘金鳳花亦復翩翩雙翅斜
庭前扶疎兩株桂曉起風過暗香遞更三兩日月華圓
把酒看花有成例我生愛花不獨春春花秋花同可人
卽看荷芰已零落那不及時動芳酌

魏秋浦先生桂巖小隱圖今嗣春松觀察屬題四

首

獨坐疎花瘦竹間，
脩然杖履足清閒。
先生自著參同契，
不誦淮南大小山。

石壇瑤室臥仙官，
金粟離離翠幹攢。
香近中原不散，
年年秋到月華寒。

功德何須問季方，
書香都染作天香。
君家况有好詩識，
犀首纍纍佩印章。

一枝自擅郗林秀，
諸子真如竇氏賢。
他日看成一品集，
剡谿紅桂賦平泉。

讀楊誠齋詩

百三十卷誠齋集，
亦有蘇黃亦杜韓。
公論自推南宋冠。

真詩不解世人看得秋氣候文章健處國危疑涕淚乾
誰把頭顱寄孤憤南園記好却權奸

意行山徑中採淡竹葉花染便面題句其上

繭紙裁成月半規搗將花汁染來宜碧天影倒湘波滑
不許浮雲剩一絲

臥病庵中示座客

精藍圍住隔江山秋氣都來蒼莽間坐對無言忘可否
微吟有句待增刪貧還不減杯中物病亦能消鏡裏顏
喜共嘉賓數晨夕呼童先淪鷓鴣斑

卽事二絕句

雨氣蒸人不耐渠西風吹放木犀無晦堂解得吾無隱

指點庭前開一株

小雨於人病亦宜不關心事不教知養生訣與安心法
正在維摩示疾時

往者張君

孟滄

贈詩有我昔聞君名毀譽各參半

之語有概於中不遑酬答嗣以蒼茫獨立詩畫
冊見素題句眇邈泓窈逃情刺虛可以見君志
矣聊抒已懷以當贈處

宙合不可窮乃思駕尻與身世未有涯胡能守空株行
坐或起立詿詿復吁吁寄情在軋沕是亦非真吾余生
既無似不慧亦不愚頗亦念大道未可終蛻虛有時據
槁梧自覺形神孤回飈肆碭駭心志牽煩挈古今幾朝

暮天地空遠虛茫昧不可究如摘埴索涂念彼造物者
位置良區區或工御史驄或乘少游車或題趙岐碣或
棄令昇觚或從李嶠請讀盡中秘書不然但拍張封侯
亦良圖人生笑鹵莽日已心計麤神明寄空竅違才託
荒餘從來相奇士未當別屠沽是身爲夢宅封情安能
據任與吾子交逸若鳳脫箴自顧雖蹇劣不制如草駒
振奇亦何益穢跡仍自汙猶猶與鼎鼎微尚不可誣吁
嗟觸世網智術交相驅先機動眉睫給口掉舌樞嗜欲
涇渭雜衣冠纍囚拘子子顛倒間坐令歲月徂何如攝
神智鎔入大冶鑪俯仰八紘隘出入元化俱顧此平生
懷未免衆所迂亮哉吾子心堅白乃不渝怛中結紆軫

放曠從歌呼，彌望儻莽間。吾其渺江湖。

訪陳文水孝廉丈于螺峰草堂題贈二首

柴門窄窄抱城隈，藥草離離恣意栽。過雨峰高雲勒住，
苦茅屋小樹撐開。黃花側帽從人笑，白髮孤吟曳杖來。
忽漫相逢在山半，芒鞋濕透立蒼苔。

曾在高軒又幾時，我來相訪已嫌遲。山居雖僻寧辭遠，
道氣常充便不饑。老去全家都學佛，鏡前有弟與談詩。
謂時波先生 卷簾相對渾忘去，土銚茶烟裊一絲。

上後山脚望湖上五絕句

西風城角晚蕭蕭，池影涵空細蔓交。瞥見簷前跳蒼鼠，
亂拋山果落藤梢。

落落疎林未着霜已將慘綠變新黃湖邊塔影頽唐立
伴我無聊看夕陽

看山看到秋來瘦較與幽人心事宜祇恐人前太顛顛
畧裝紅葉露丰姿

湖光不定暮山頽非鬼非仙總浪猜蘆荻深深藏小艇
有時搖出一鏡來

幽鳥不會呼夢醒白雲應比我先還何人耐把秋聲聽
一路草蟲啼過山

題方丈蘭士南山蕭寺圖

汝陽亭長老畫師瘦身骨立青松奇湖邊僧樓借一榻
老去不受公卿知我生並世惜未見讀先生詩如識面

長君鐵珊以山
靜居詩見貽

近來六法推浙西老鐵雖狂欲焚硯南山老

僧亦能畫

謂去雲上人

不與吾曹別宗派此幀題作蕭寺圖更

寫名流兩三輩不知中有雲公無但見老僧一箇俱門
前迎揖定相識白髭鬚者先生乎小山公子持眎我白
雲蒼蒼寺門鎖惜哉雷峰不曾寫明朝還擬訪雲公同
展秋林夕陽下

自題耶溪漁隱圖四首

重上耶溪舊釣灘水天風景劇荒寒料量魚具無他物
斫取一枝青竹竿

幾日西風蟹稻天瓦盆沽酒一陶然不妨生剗鱸鯢手
閒棹溪邊解艇船

洗脚船頭看白鷗此心較似水禽閒
朝南暮北渾無定
趁着樵風吹又還

葑田菱泚積來深
嘔軋榜聲何處尋
記得小年游釣處
水楊柳外夕陽沈

僕最愛梅雪香
工畫梅嘗館余家
三歲矣乃徧張
名人畫梅以供清賞
并贈一絕

四壁寒香瘦
壓肩低頭拜
倒在花前正
須題作古梅屋
供養先生住十年

木芙蓉三絕句

花影娟娟水態搖
趁無人立小平橋
出門時候尚嫌早
曉露未乾烟未消

兩岸都依水楊柳一叢深護竹笆籬幽禽亦愛花間宿
半晌風前飛去遲

輕紅半褪却嫣然顛顛西風亦可憐霜曉嫩寒禁不住
蘆花撲絮護根邊

還山陰訪沈筠虛昆季商薜亭吳節庵同遊瓢閣

晚集沈氏竹上樓卽席賦贈諸公兼懷徐宸照
人生祇覺友朋好亂我愁心似秋草相逢苦少別苦多
西風吹人奈爾何隱侯腰帶不曾瘦吳質重逢亦如舊
狂歌不免酒酣時持螯且值秋深候商君寶意之後人
長篇和我詩格新

薜亭出示和余贈筠
虛及鷲峰寺諸作

城北徐公美無度汀

蘭采采思夫君冷風衰柳媚寒日流水聲中櫂謳發湖

中瓢閣此重來岸上芙蓉已將歇一年杯酒又今宵已
分離愁十斛澆明朝更放扁舟去江上閒鷗不可招

贈鄰翁

自安樸野舊鄉風擊壤歌聲處處同茅屋三間營燕壘
土牆一角護牛宮往來婚嫁比鄰熟報賽雞豚節物豐
人不堪憂回也樂簞瓢真合老其中

遊江上諸寺

秋光洗碧空雨剝寺門紅雙槳鷓鴣水一襟荷芰風柳
陰藏畧約塔勢表琳宮我法還求我禪宗有異同

雁

陣雁排雲一道斜江流昨夜徙寒沙西風旋作回文字

吹散滿天蘆荻花

自壽興抵臬部

雁奴打更鼉擊鼓蓑笠衝風更衝雨不聞漁歌聽搖橈
行人枯坐愁不眠一鐙忽落葭莢邊酒醒吾欲彈水仙

田間謠二首

老農行田不辭遠獲稻歸來正秋晚田間相逢笑語麤
豐年課足無追呼野田黃雀鳴且啄也喜今年去年熟
稻棚堆作屋山高不聞狐狸深夜嗥

田間老農白髮皤拍手能作豐年歌湖田一畝三石穀
山田雨多穀再熟老夫敢辭輸挽勞昨聞漢中兵已銷

絕句

青山紅樹竹籬門，隔岸蘆花界一痕。
身在畫中還看畫，水村縮本趙王孫。

晚望

髡餘老柳怯西風，剩有黃花開一叢。
寒色蕭條作秋晚，斜陽分得柿林紅。

同胡書農許青士由松木場買舟入古蕩

佳遊遲宿諾，邀約期屢誤。
果此精進心，勇縛雙芒屨。
兩君出城早，艤舟候前渡。
櫂緩趣自永，山曉烟尚沍。
平林未黃落，曲港任沿泝。
十八里溪水，一曲一峰露。
孤村轉秦亭，山住水未住。
風俗喜淳悶，耕作少逋賦。
暗泉通竹裏，涓涓細流注。
匯入溪水中，尚帶落花去。
爭開霜後菊。

自扎小籬護門外雞鬪爭飛上矮桑樹

花隴二首

雲氣不肯洩裹住山一半幽禽如導師引我過溪看陽
曦背諸嶺紫翠凝不散烟蘿既深窅窈揭雲幔孤光
漏深鳴一徑亘修曼稍近萬竹交去路忽已斷林顛墮
微響一箇松鼠竄胎息動靜機聲聞斂神觀

空山無居人時或通樵蘇茅庵聚八九此外一家無冥
心叩寂寞頗厭城市拘每得清淨境輒想此結廬虛願
那便償逃世又已迂未當謝人事焉能遂安居譬彼道
暘者茂蔭愛扶疎終還舍之去驕陽又前途他年果却
掃一屣良易圖笑謝冠蓋侶何必山澤臞

休庵九十老僧

風隨清磬來雲抱孤松臥了了無住心苔磴隨意坐團
瓢無十笏老僧纔一箇自云歷

四朝平頭九十過山中日月古雪裏袈裟破一點無盡
鐙照見世界大彼法事寂滅我輩習懶惰較於浮囊中
同一微塵簸僧閒故得壽豈復恤寒餓打破四禪天合
十禮上座

法楞庵贈顧處士

并序

處士姓顧海寧人養正其號狀貌修偉白髭鬚
長可尺半冬夏不韞晝夜晏坐一室中汨如也
嘗以醫藥濟人報之金不辭云以供一歲食有

所取爾也間爲詩歌多世外語問其嘗所與游
無一人嗚呼是亦有道之士歟

畸士非人間陰求亦罕覲孰令我至此而與成邂逅先

生多道氣韜精得中壽年七十志行山石堅狀貌古松瘦

棲元慕真隱俯仰出世宙方其遁空山萬事付悠謬乃

抱濟世心奇方縛肘後自號曰養正卽此知所守丹鑪

紫烟直茅簷白雲覆腰下蒼龍精風雨夜深鬪願言從

公游秘笈探懷袖更遲十年來鬚髮倘如舊

夜雨宿蔣蔣村留溪山莊蔣方著北鄉小志自宋

迄今通顯隱逸別列傳誌酒間出眎論議慷慨

主客皆醉

踏葉投遠村循溪度橫約故人安樂窩卽在此山脚

莊在

安樂山下

門依市梢盡樓向松間拓七十二高峰飛翠簷外

落到門燈火昏入夜風雨作留歡展瑤席對菊開芳酌
蔣子有媵修自足讀書樂有時跨童牛行田看秋穫地
多隱君子流風歎寂寞著書勤採摭何止供譚噉三君

謂書農青士蔣村

文中豪快論泉赴壑淹通與誕傲微旨各有託

夜深語刺刺僮僕相顧愕我且坐短廊乞火烘草屨

七十二峰樓曉起

荒村無戍鼓乃聞山寺鐘驚起曉來夢尚帶酒氣濃酒
氣隨宿雲散布千萬峰山靈解娛客逢逢盪心胸稍從
朝陽隙半坼青芙蓉窈窕忽離立垂鬟尚鬢鬆寒姿媚

不足膏沐誰爲容惟應萬山水瀉入筆硯中我詩能解
醒拂拂來天風

秋雪庵

短檝穿蘆碕四面都是水屋在蘆花上船入蘆花裏蘆
田一千頃溪流二三里軟藉妬羅綿中臥老佛子

趙氏園

竹密難分个林寒不積烟嵌空山石瘦面勢水亭圓小
憩渾忘客安心卽是禪接離併倒載狂醉習池邊

秋晚

暝色橫江濶風聲撼樹饕蛾眉新月小螺髻遠峰高向
夕憑孤檻排愁引濁醪最憐秋草色蕭颯似青袍

漫興

棕毛亭子枕寒谿，偃蓋長松五鬣齊。
幽壑泉聲聽斷續，夕陽花影隔東西。
評量茶事須佳客，補綴詩囊付小奚。
無事閒吟便終日，任他啼鳥盡情啼。

畫鷹

健翮憑誰寫，人中識郢都。
孤筇晚風勁，淺草夕陽枯。
側目渾難飽，雄心不受呼。
老拳如肯擊，伏莽有妖狐。

鬪蟋蟀

趯趯復嚶嚶，秋風盡日塵。
螳螂羞折臂，蠻觸笑分曹。
相業金籠貴，童心瓦注豪。
蟲沙埋戰骨，誰與卹勤勞。

仙山引

前峰晴後峰雨白雲遮攔作門戶桐花白松花黃清泉
醞釀成酒香丹厓無梯高百尺石梁橫空水簾隔道人
枯坐日閉關門外縱橫麋鹿迹遠聞清磬聲琅然滿瑤
京風吹綠蘿裊日照紫烟生沈沈洞戶無繇到白虎青
鸞作前導意中神馬與尻輿世外方壺或圓嶠

是程堂集卷第七

嘉和齋中成採開
雖於真州廂舍

秣陵陶士立仿宋書王日華董刊

有箇青帘便繫船

真珠滴滴響糟牀
曾否樽前一較量
想是傾脂河水釀
未開缸面已聞香

題芝亭蕪鄉釣師圖三首

我正懷漁隱君還署釣師
兩家新畫幅一樣小瓜皮
飽喫雞頭菱角製成青笠綠蓑
檢點松陵魚具不知若箇詩多

生涯難忘水雲區
此別君應諒我無
倘遇鷺鷗相問訊
道儂蹤跡又江湖

偶然作

湖面平開三里閘
市梢畧有幾家存
先生擁被不親見

童子推篷爲我言已過蘆墟應小泊倘沽村釀一傾樽
今宵更比昨宵好月白全無水氣昏

遣睡九絕句并寄魏塘諸君

聽風聽水儂自慣步月看雲便不同料得中宵老人語
朝來又是打頭風

一念思量一故人天涯何處不比鄰人生消得幾許念
偏是鐙前記憶真

酒邊日日憶林宗

謂頻伽

我往江南君又東便算一年相見

了別離那說不恩恩

風流誰似張明府

謂雲藻

愛客樽前欸欸留清早放衙來送

我看他一僕一扁舟

收拾詩篇歷行李一門子弟歎多才眉山父子昌黎塔

併入涪翁家傳來

黃文退庵子弄青思未及其塔塔亭皆一時才雋酒間各尋韻詩

郭郎郭郎太郎當病向縣中求藥方長公親見子由瘦

爲爾十日滯行裝

視丹叔病時頻加越中之行亦未即發

瀕行更展玉雅義寫出林塘水一涯寒色村墟微露瓦

荒灣蘆荻漫飛花

作夜共圖留別諸君即解纜矣

小閣藥烟簾外鐙癡兒病婦可憐生終年笑我山中住

厭了山居又遠行

挾瑟吹竽漫爾爲通賓誰是鄭當時狂歌忽動大魚聽

心事終輸寒雁知

月夜登虎阜

山寺近黃昏未關松下門月橫孤塔影風掃舊苔痕儘
有清寒意而無歌吹喧歸舟候僮僕吟罷一傾樽

奔牛道中

大船小船一橋阻洪流木簰當面衝舟師爭險插篙入
如箭脫箬鳥出籠前船未離後船壓篙急雨點爭打篷
何人故作水軍戲令我心悸猶忡忡排空雅陣亦鼓翼
作勢助我張軍容水風落葉浩呼洶銅鉦尚挂斜陽紅

金山

憑闌孤立勢嶙峋大地閒看轉法輪底柱欲迴三峽水
諸天冷笑六朝人噌吰鐘鼓聲相答拜舞魚龍氣亦馴
向晚寒潮江上落還從絕頂攬星辰

江行

白沙齧潮痕平展縠紋細中滙水竹區茅屋相附離古
柳風蕭蕭吹我短衣袂意態寒不舒柔條亂無次葭菼
餘秋聲洲渚出遠勢我懷愴無豫目極鴈迢遞帆低入
烟暝雲闊與波際却望戴公山舵尾擁高髻

舟中望攝山

白雲迎到十里外黃葉疎於三日前昨夜江風吹夢醒
一峰如繖立船邊

經三山下

南人使船如走馬浪激船爭不相下一磯一束江水旋
怒擁盤渦不敢瀉奔騰萬馬趨江皋中有二石十丈高

離立江口絕倚傍氣盛欲奪天吳驕盤空俊鷗立峰頂
那便笑我輕鴻毛舟師同聲叫邪許又見緣江一峰阻
問名怕說覆舟山計程尚隔然犀浦天公此時殊不情
波濤亦作山崢嶸鄰舟失勢轉山脚山風逼住不得行
我舟對面不相覲江雲漫漫霧四塞但覺船與山低昂
力爭始脫蛟龍國此山鼎峙江之東咫尺萬里千艤艖
勢連北固通脉絡天爲建業開金墉時平天險不須設
何苦南北當其衝君不見漁舟安穩小如葉風力無權
浪中貼

抵金陵泊龍江關下作

東南天塹劃江開潮打蚶蛟磯下回獨客正隨新鴈到

片帆飛渡夕陽來。笙歌舊院迷殘夢。花月南朝生古哀。
我似隴西狂李白。題詩先上鳳皇臺。

夜宿江上夢梅史却寄

中宵飛夢渡桑乾。款語溫存一剎間。別後文章都未見。
年來哀樂劇相關。幾行書札雲邊鴈。千疊愁心江上山。
何似此身常入夢。任風吹去復吹還。

雨花臺

古道問長干。高臺擁百盤。江空千里近。風濶一城寒。佞
佛乃成俗。捨身良可歎。還留花雨跡。寂寞此憑闌。

小西湖題壁卽贈熊晴欄

別墅風流仰謝公

園爲廉村中丞。蕉泉觀察。別第晴欄。則觀察子也。

我來小住不憚恩

名仍西子湖邊舊客與南皮會裏同月轉竹梢殘夜白
水搖塔影一燈紅卸裝雅愛鷺羣閣曾說橫波住此中
經桃葉渡泛舟入青溪

紅板橋西打槳回一溪一曲好樓臺年年流水東流去
只有斜陽問渡來

舊院

樽前抵死唱黃雞催得啼鳥盡日啼冶柳長條牽白下
板橋流水咽青溪

登燕子磯

參差雉堞隱蟠龍山色周遭護百重地勢憑陵天塹水
江聲激盪寺樓鐘翩翩野鶴頻招手莽莽層雲欲盪胸

第一江東更誰是然犀人往悵難逢

登永濟寺觀音閣

眼界空江拓鐘樓絕壁銜天風搖鐵鎖花雨濕經函梵
唄雲中苔金容劫外剝欲隨飛鳥度磴道插松杉

陳桂堂伊墨卿兩太守熊夢庵禮部王某畦舒鐵
雲兩孝廉同集劉蓉峰觀察寒碧莊某畦作圖
諸公皆有詩墨卿太守爲道十二峰之勝出圖
屬題

芙蓉瘦蠹寒碧莊烟鬟婀娜青繞廊洞庭奇峰七十二
割取十二亦不易靈威丈人求禹書移山亦效愚公愚
當年此石親奪得想見主人有奇癖主人既能役五丁

石氣乃感天上星聯珠忽報五星聚此石有靈亦奇遇

我今展圖六一堂眼底突兀生奇礪坐中五客識者四

惟奇鐵雲未相識

此客此石同老蒼昨過吳門泊花步走訪王蒙

惜歸去

謂某

會須更賦石請客去訪主人兼拜石

出塞篇贈蒲快亭進士

君不見曹景宗笳鼓聲中拈競病獨騎快馬如追風高
歌擊鐙氣豪逸坐令沈約難爲工丈夫慷慨負奇骨那
得不如廝養卒讀書擊劍吾未成眼看蒲髯亦豪傑昔
年詞賦誇長楊親藩亦愛狂生狂橐筆鄒枚成上客
講學沛獻皆賢王

聖朝不奏軍中樂萬里雄邊盡甌脫要將雅製頌

昇平木蘭先進迎

鑿曲龍旗畫捲風沙黃短後忽改書生裝洪流却度白
河澗一線直摩青石梁金錢結口五花勒整轡調鞍真
儻個雙鞵壓臂掣皂雕翻身箭入秋雲高圍場立馬色
不動十萬羽林亦神聳掀髯一笑弓擲地筆硯前呼健
兒捧秋山木落風雲開千騎萬騎關門回搖鞭兀兀唱
銅斗公卿都說蒲髯來

題石濤蘭竹畫冊

新篁澹著墨葉葉含曉風芳蘭亦多態一竿間一叢如
與幽人遇對語空山中

再題三絕句

古洞陰森闕風雨更無人向此中來薜蘿窈窕睇山鬼
親見懸崖花亂開

頑疆空洞齧蟹螯苦竹根蟠石罅牢絕頂孤芳怕人採
山中誰爲補離騷

流雲如水壓梢重一葉一花皆倒垂此老胸中真狡獪
寫來不雨不晴時

黃山行爲張舸齋司馬作

我生不識黃山松君行却到天都峰山靈奇氣洩不得
仗君詩筆開鴻濛坐聽君語耳先熱夢入異境神能通
天梯插天闕靈府回薄一氣青冥中芒鞋竹杖相料理
世外難尋廣成子光明頂出衆星上軒轅臺高紫烟裏

胸中百怪森刺腸目所未睹走欲僵入山先裹十日糧
入山萬重高萬仞一峰才過一峰引三十六峰圍漸緊
脚底峰尖如束筍須臾忽合萬頃雲積氣盪汨如蒸饋
身從下界到天上諸天幻出無盡相旌幢寶蓋紛錯雜
芝菌蓮華各殊狀有時入雲還出雲變滅景光才一晌
一丸曉日瞳瞳開此時身上清涼臺低頭欲向五老揖
舉袂忽招天女來愁逢閻王壁下視一千尺直上平天
石罨風吹兩腋探奇不怕境險絕誰似黃山此遊客我
生好遊亦似君慙非目見徒耳聞作詩雖好只空說笑
煞山中猿鶴羣

寄里中諸子

西湖西子勞相憶江草江花不奈何遊倦易彈懷古淚
酒醒怕聽懊儂歌曳裾笑我何曾慣結客於今未敢多
歸及殘年須閉戶諸君聯襪倘相過

與墨卿太守坐月夜話

花竹頻移六曲闌月華如水不生澗三更三點漏聲寂
一主一賓人影寒了了碧天雙鶴語漫漫赤縣老蛟蟠
荷花塘口炎黎滿忍使監門淚眼看

先生出示荷花塘詩屋漏切

虛牝黃金擲易空二州六縣叫哀鴻

此僅從揚州一府言之

但求力

挽狂瀾倒不愧官如赤子窮一粒充腸那得飽萬言畫
策亦徒工河防轉運焦勞甚荒政尤當濟變通

王覺梅屬題梅花小景

孤山百本最橫斜。老屋曾鄰處士家。爲愛二分明月好。又從東閣看梅花。

水竹蕭寒怪石欹。冷吟剛在雪消時。商量槩几添清供。刪却肥枝剩瘦枝。

同袁壽階張子貞許亭史過平山堂訪小石上人

歸舟作此兼呈伊太守

出城野水寒。意與荒率會。橋橫越沙渚。風急颺衣帶。水鳥三五羣。顧影立湍瀨。寒塘艣聲軋。雪意布天外。倦遊不能豪。放眼差覺快。招提踞岡嶺。一徑豁蒼藹。長松如列燾。孤亭方扼隘。中有誌公象。聞是吳生畫。覽古動遐想。叩門謁香界。阿師舊相識。迎揖已先在。疎寮設茶具。

荒畦翦寒菜一飯殊殷勤未可厭麤糲歐公昔守土茲
邦有遺愛肅衣登其堂儼若鬚眉對方今淮揚民水厄
幾凋敝太守飢溺心民命實所繫上流清口淤下水高
堰壞流民不勝圖規畫匪敢懈賑災勤日夜算口發倉
廩願縮妻孥餐一蘇民力憊賤子辱公知知公亦爲最
疏築治法兼用貴得其大文靖謝與文正范所遭不異
勢扞隄衛民田皆是公屬內彼法有成效重望後來繼
他日六一堂敢祝前賢配

敬觀倪文正手書小桃源詩真蹟爲墨卿太守題
靖節亦有言猛志逸四海託辭記桃源心蹟別有在倪
公孤忠揭日月真氣都從筆間出小桃源比獨樂園憂

國危言刺心骨東林黨禍千載無蝗蝻錄復搜根株公
將一疏伸補救欲留正氣扶南都漢庭避世人亦有不
見郭泰兼申屠全身亂世心獨苦持較栗里非殊途公
爲此詩有深刺想見題成欲彈淚可憐已是申酉際婉
言聖世無可避公詩卒章云攜將琴鶴退夷門比勘溫公獨
樂園聖世遭逢無避理不當題是小桃源君不
見南中黃石齋北州史道鄰獨扶大義不返顧公死乃
足稱三仁胡麻一杯不敢乞轉饗倉黃已無食八策不
行吁可惜翰墨光中留毅魄

曾賓谷都轉招同趙味辛司馬

懷玉

王陽甫博士

芭孫

彭甘亭上舍

兆孫

集題襟館卽席賦呈

金焦岌業北固雄氣勢欲挽江流東文章當代推南豐

視彼百川方朝宗十年淮海被春風卹我場竈甦疲瘡
管鑰維謹國賦充巨室比戶樂歌鐘雅歌投壺意從
容景星慶雲頌時雍刻畫萬象無纖洪立言可副德
與功賤子不文學雕蟲欲拓壯觀開心曾昨瞻京口之
三峰北趨邗溝弔隋宮大江風雪吹孤篷浩歌擊檝氣
如虹於江見深山見崇長揖乃今識我公公之客誰皆
國工平津開閣許我從青州司馬昨相逢汪然大度挹
不窮作詩旨與政事通華亭博士辯橫縱其筆與舌振
金鏞大聲直欲驚頑聾我且當之避其鋒彭侯學識含
淵冲上下千載究初終翩然白鶴翔雲中青天碧海絕
孤踪今宵官閣梅花紅圍鑪雜坐芳醕濃使君愛客表

敬恭參苓百貨貯藥籠如倬何有媿顓蒙從此御李如
登龍天風蕭蕭轉飛蓬我胡不歸逼殘冬廣筵十日留
懽悰悄如么弦奏孤桐平山堂高壓蒼穹不用鼓琴操
醉翁

梅花水仙瓶盆錯列并懸金冬心梅奚鐵生水仙
畫障壁間以爲餞歲清供

良宵月影兼鐙影滿座花光與墨光禰袂翩翩呼欲出
微波脈脈在中央渾忘是我何非幻坐對無言忽有香
邢尹夫人雙絕世伴儂清夢讀書堂

鐙下看花讀畫而鐙復有影影從花生畫與影併
是一而三之也戲賦一律

花魂不定任迷離。粉墨圍屏澹澹移。色卽是空申佛說。
形還贈影補陶詩。孤桐乍拂香溫候。淺夢初圓燭上時。
着眼一真諸相滅。相當相對繫相思。

除夕接遂安汪丈葆圍書并以未刻三集詩稿見
寄訂正復附見懷詩二章書此奉答

殘臘新春此夜兼。春回絕壑與窮巖。停雲望遠長相憶。
老鶴聲高迥不凡。著作等身新白髮。江湖落魄舊青衫。
居然文字蛟龍避。穩送嚴陵一葉帆。

卽事

喧闐簫鼓滿江城。喜說新年米價平。人日纔過鐙事動。
雪消簷滴亦春聲。

媚學

媚學慚炫世適道忌多門冥思叩津悟孤情翰乾坤笑
啼屬至理理足辭不繁陳陳古人語何必我更言登高
萬籟作斂之以聲聞試於俯仰間一驗中所存相通在
神理有觸斯爲文約之爲至精發之爲大醇山川盛藻
繪草木羅苾芬氤氲日千變匠心出更番審其所以故
秋蕭春自溫萬化倘相假千載知何云

荅汪文葆園次原韻

造化入方寸文章得先氣雜以哀樂緣如鼎和五味味
尋酸醜外英華咀六義汲古求古人吾自尚吾志道在
乃見親物聚各以類毀譽任窮達何有名與位世人競

淹博涉獵誇載記雕蟲與刻鵠輒以示高異夫文主性情如身使指臂中無所主在四體成廢棄風雅持苦心一再深致愾稱心以爲言君實同此意吾鄙二三子魂魄通氣誼君摩壁壘來力足拔趙幟同時賞音孤推激念黃魏我意欲何云不飲好人醉

題孫古雲襲伯上冢圖二首

侍從

承明祇十年一編新錄著歸田魏徵遺笏中朝重杜佑
繡衫小駟便定有丹芝生濩澤不封馬鬣象祈連角巾
東路風流甚爭看清明上冢船

何須別墅賭園碁暫借僧樓住水湄神武挂冠君自辦

山廚炊黍我來遲
溫公舊著傳家集
君將刊大父文靖公詩集
康樂新
成祖德詩一品令公孫
貴重紅衣肯信釣魚師

二月廿三日同頻伽訪秋白小湖于篔橋別墅冒

雨放舟至甘墩村看桃花留連信宿同作

篔橋東出修門路七八年前我曾住
看花每趁他人先
買酒須尋舊遊處
扶頭排日窮歡賞
細雨斜風亦能往
郭侯底事渡江來
有約嬉春盪雙槳
城東花多春盎盎
拍岸桃花水平長
沙頭寒鷺不驚人
波面銀刀新出網
扁舟刺入桃花叢
故人讀書於此中
小橋支港開更好
一里一曲花源通
風吹圓萍忽破碎
落花如潮擁鷗背
林梢橫抹練影斜
是桃花外皆李花
推篷折花當酒籌

漪裙人去春波愁。皋亭黃鶴一招手。畫船散盡君應留。
主人持盃客前起。太息春光似流水。要催鐵史賦花游。
風雨張鐙草堂裏。

春寒和西竹

嫩晴微雨不能兼。簾外重陰故故淹。花勒曉寒同噤瘁。
詩將苦茗鬪清嚴。無慘且把深杯勸。枯坐應呼半臂添。
最憶湖隄水楊柳。幾分春恨上眉尖。

晏坐

孤亭斂諸相。變態各朝昏。江水晴翻壁。松風響到門。琴
尊起居節。魚鳥性情溫。晏坐思元化。機心息灌園。

池上

一夜圓萍長鄰家飛絮多忽看池面皺風送雨聲過

和內子

輕寒小閣藥烟微古製鐙檠雁足支細碾春茶同試水
新泥粉壁看題詩胃釵簾額垂垂下背月花陰漸漸移
偏是國風章句熟幾回親自課佳兒

題友人四時畫幀

結屋正當山腹裏攤書時坐鳥聲中流泉一道穿林出
小雨如絲飛落紅

流雲淪淪水羅羅溪上晚風吹薜蘿笠子帶來無用處
松陰遮住夕陽多

落木空江澹有無秋山平遠畫倪迂問君小立西風下

可有人催橘柚租

瓦溝風雪響爬沙送喜牆頭聒暮鴉一笑開門香逆鼻
有人家處有梅花

吾廬

一春樂事正無涯吾愛吾廬近若耶新竹移栽肥帶筍
小桃初接爛開花霜鎌雨笠將收麥篝火蘆簾好焙茶
等是幕天還席地且呼賀監作鄰家

初夏

綠陰如幄度流鶯粉蝶穿花栩栩輕蕉葉當風舒卷軸
柳枝橫水臥橋衡天清地晏此時節漁唱秧歌皆樂聲
小小禽魚閒草木畧從體物繪昇平

官柳

官柳婆娑綠離情相與牽夕陽能作態
小雨不成烟掠水燕雙語倚樓人獨憐
湖邊游騎孰相識自年年

是程堂集卷第八

嘉慶庚申秋
開雕於真州官舍

秣陵陶士立仿宋書王日華董刊

是程堂集卷第九

錢塘屠倬孟昭

春陰

格格喚春禽春山十日陰
林花經雨瘦庭草積烟深
香散猶縈篆聲希欲罷琴
吟朋不時過聊復慰孤斟

湖上獨遊

蠶子初分蟻茶槍未展旗
山泉將竹引僧院乞花移
正好騎黃犢時還倒接離
人人事耕鑿

帝力有誰知

灘江行爲沈孝廉學寬作

下牀動足卽萬里嗚呼人生有如此不能事親愧人子

蒼梧桂林鬱延縣兒不見親十六年兒身遊大梁兒心

祇在灘江邊

解一

灘江水深愁更深滔滔江水如兒心別

親兒年纔十三在時騎竹馬今已從兩驂風塵只恐顏

面黑夢魂縱先到對面那相識

解二

天涯骨肉誰當親親

身兒身如一身

解三

春風吹遊子忽復成商聲兩月承親

歡萬里催我行南枝啼鳥飛向北迢迢薊門望南國吁

嗟人生安終極淚灑麻衣乾不得

解四

蕭蕭白楊悲風西

來鵬鳥夜哭瘴雲不開

解五

臧處士詩

并序

爲武進處士臧君禮堂作也君孝弟誠篤出天
性通經史百家之言撰著凡數百卷嘗師事官

詹錢先生大昕及其兄庸海內學者稱二臧云
娶婦胡初婚夕集古列女孝行爲文辭令女僮
誦說其前俾婦熟聽乃成禮居父喪三年不入
內母疾刲股雜粥糜以進乃瘳處士卒其婦爲
言如此處士勿自言也人或以刲股非古禮處
士行古之道不宜有此傳竊以咎論者之過故
卽其刲股事述之

庸行不可能純孝不可爲行其心所安孝子不自知人
各有所生日以至性漓孝子不自知終身似嬰兒方其
處變故此意更不疑但知親可活不惜肉作糜此身卽
母身毫髮詎忍虧人謂孝子愚孝子能勿悲禮亦不可

奪愚亦不敢辭痛心蹈非常此意天知之輓近禮飾僞
正以徇其私君看薄俗兒終身好豐肌

汪節母詩

并序

母姓余氏年十七歸遂安汪公某五載公卽世
又四閱月生子某節母事其姑以孝聞子亦成
立孫二人一爲縣學生一舉武鄉試曾孫八人
舉武鄉試者一爲諸生者四元孫廿一人入縣庠
者幾人來孫九人母及見四世而歿以乾隆甲
辰旌於朝嗚呼天之所以報節母者不旣厚
歟傳辱交其曾孫上彩爲忘年友上彩亦抱孫
三人矣雖爲諸生老而益困顧所著書已百餘

卷所刊詩集行世者十四卷亦足以表彰其先德而振起其後嗣已書來乞詩爲詳其顛末於篇

南山有喬木霜墮成枯薪賴有女蘿木不顛女蘿雖弱纏其根枯菱一萌天地春至今奕世孫枝繁賤子作歌請具陳曰汪氏母姓余氏適汪五年夫則死母胡不徇以義止夫死兒背生妾死死吾子有姑曰詹同撫孤撫孤孤立以報夫報夫地下上報姑母稱未亡年廿二五十八年終厥志教子力田行孝弟豈惟教子兼教孫凡以教者皆以身有孫二人文武才學書擊劍不足言各以其所長成名顯其親天報節母以壽考昏朝點頷見

會元各各稟母教爲國之俊民嗚呼節母真完人乾隆
闕逢執徐歲有司得之上其事

朝命下有司煌煌旌其門嗚呼節母真完人君不見節
母不死汪氏存

贈單華藏先生三首

多病常辭客全家自樂飢觀空宜老眼高臥荅 清時

避俗衣冠嬾忘情草木知比來聞入道刪盡早年詩

絕業空前後論交折輩行尚容牀下拜未是古之狂秋

老知身健譚深欲坐忘從公參底語日月不曾忙

聞道山庵住昏朝只閉門我生公已老俗薄道偏尊一

昔風流在而今笑語溫百年僧臘古太息爲重論

余近所居

拂塵庵先生曾讀書于此已四十年矣為余語庵中二高僧事甚詳

遣興

百事都慵但舉杯短廊閒步兩三回池傾硯墨魚爭咬
几供瓶花蝶自來小爾雅方疏草木古尊彝不辨雲雷
偶然書畫從人乞踏破門前一寸苔

題汪丈行樂小照八絕句

禪榻鬢絲斜瓦銚蚓聲作倘給調水符先要立僮約
孤桐無繁響泠然在空山尤愛蕭思話相賞松石間
長歌漁父詞去訪元真子天地一竿寬浩盪烟波裏
萬事託杯鐺一身亦糟粕屠酤中無久酒徒久寂寞
服食換精髓不如餌羊珠道逢玉女笑手拋鴉觜鋤

白公雖老去情尚不能忘
賄畫旗亭壁年來我亦狂
老翁若寒鷺臥冷沙上月
蘆荻漫飛花吹來滿頭髮
華月忽已上好風吹滿懷
據梧吟未歇涼透青棕鞋

江樓晚眺二首

空江動遠愁壯士不宜秋
沙迴添寒色帆飛泝急流
角巾翻酒漉裋褐向人羞
未許忘身世何堪羨海鷗
仰面蒼鷹疾軒眉落葉飛
海天生遠想人事息初機
闌檻憑虛倚峰巒入座圍
夕陽殊未落酣飲且忘歸

過周五松泉齋中見新作撫古長卷意甚佳君言
能以詩易便相贈卽走筆題卷尾攜歸

我畫師心不師古偶弄筆墨都不工
鞞材束筍委巾笥

甘受人罵真疎慵吾儕能事擅周五造境不復他人同
鑪錘鼓鑄意象外紙墨排闥烟雲中知君耽此心獨苦
曾向倪黃闢門戶科頭踞坐信手揮短幅長箋任人取
虛堂無人灑秋雨薜荔牆高立一堵我來突兀見此卷
一峰巒入奇古高山連綿鬱深林林深山高日易沈
不愁觀者太錯愕直令險處難追尋路迴詰屈夾兩澗
直上青冥逼雲棧幾家茅屋對松門屋角山花小紅綻
遠烟忽破露別村村口寒潮直到門平橋架木高幾尺
崩岸似鬻寒沙痕連山周遭石戴土面執欲折江流奔
要將骨力苦撐拄離立獨樹蟠孤根此時意境不可擬
浩浩天風吹滿紙經營更到無墨處白者是雲空是水

乞君此畫償以詩我詩君畫誰當知臥遊一月尚不足
狂吟喚醒梅沙彌

送雪香之江右余亦將入都矣

送君不易留君難蕭蕭北風行李單君遊江右我日下
君行張帆我秣馬人生豈合老鄉里憂患方從出門始
兩人話別同此愁爲君當筵解吳鉤荒雞膠膠夜過丑
起舞尊前一搔首回看我子君弟子却立依依起行酒

華秋岳畫馬

五馬侗儻矜顧視虛廊蹴踏風動紙房星夜出光四射
却照壁間圖畫裏肉眼不識真乘黃乃讓畫師工擅場
我方病瘦眼眶怯敢與此馬爭昂藏攢蹠屹立如山峻

骨聳筋高鬪神駿，嘶挽頸知戀羣。亦如我輩憐才雋，
長風蕭蕭木葉脫。一點蒼鷹草頭沒，健兒身手那得騁。
薄髀淺髓氣先竭，君藏此馬能通神。神物不合長湮淪，
我今北去歷燕趙。安得借爾一踏東華塵。

自題小檀藥室讀書圖三首

辛酉歲之春，僧廬此焉。傲枕山而跨城，愛此竹林茂。讀
書以永夕，讀書以永晝。世故了不知，經史深莫究。江雲
穿臥榻，山花滿巖岫。風月識真吾，猿鳥成故舊。六年二
千日，曾不記時候。心緣學道清，人坐作詩瘦。

故人來更去，故人去復來。住于無所住，與我相徘徊。或
當終其身，養此樗不材。不然爲霧豹，南山隱崔巍。我愚

既無似出處兩不猜把酒酌故人廟廊正需才

疚心匪一事何止不讀書讀書尚可補躬行愧吾儒春
風吹我室草木爲昭蘇廓然洞達曾俯仰以自娛寶蓮
峰頭石青青簇芙蓉正對我窗牖丹碧紛可圖圖有所
未竟前江後西湖更當住十年一一手自摹

登艤舟亭同宋仲海孝廉陳午橋同年

出門已十日轉柁不千里五兩欺逆風百丈牽上水晚
泊艤舟亭羈愁觸遊子散步水竹區林深夕陽紫蘇公
此遺跡感興亦寓耳嘯歌詎擇地名在公不死公死我
更來相視一稊米逆旅天地間勞苦誰作使早歲壯遊
歷交結湖海士身賤道不尊所挾惟故紙身命困磨蝎

遷轉同蟻徙常懷濟世具空抱懷居耻歸舟且僵臥夜
半呼起起得酒聊自寬沈憂未云已

有事曲阿自毘陵易小舟先行獨酌遣興四首

遵塗歷遠郊落日挂亭堠

爲糧艘所阻舟不得進
步行五六里始得小艇

水涸河見

底一線走渾溜招招呼涉叩篷小如鑿竇所望輕且駛
昨阻今乃又岸高看壁立橋仄驚僵仆櫛比千百舟未
敢奪先後糧艘銜尾接稍逼已遭詬同是失水鱗一笑
拚宿留

銜昏酒亦寒停杯一逡巡榮瘁匪我迫飢寒與之鄰身
世寡所諧魂夢乃獨親險巇屢嘗試此身父母身眷言
念高堂洗腆知何人

五十有負薪四十有牧豕我年未三十纔勝負米耳胡
爲事遠遊輕去其鄉里我冠與深衣談笑稱下士國
家典禮崇科舉矜學子上計我與偕方抱干祿耻君子
重信道尋尺羞枉已利祿自有階出處慎厥始幾見塞
翁馬得失膺悲喜

韓非著說難厥身乃不免豈伊行之難言者固已淺仁
義世所迂禍福我能轉窺測人主意縱橫肆雄辯挾術
雖多方明哲蓋已鮮問以義利途茫昧先不辨非也蹈
孤憤儀秦歷尊顯幸與不幸間易地更相踐吾將火其
書結舌示乞饗

焦山四首

姓氏青山重江流不敢爭百年蝸舍小一握海雲平
草木春前氣魚龍物外情何人共棲隱浩盪託鷗盟
鐘聲樓定鳥佛座戴靈鷲僧狎波濤險松爭日月高
鼎銘看剝蝕碣蘚費爬搔桑下遲三宿安禪未是逃
拓窗江四面何處著纖塵智慧參猿鶴風雲護鬼神
蒼浮大地孤峭失比鄰一笑東流急真空住世因
天地容平視峰巒此獨登簷鈴馴怖鴿粥板聚歸僧
洞濕雲流乳風危屋架藤一龕團樹色清梵出高層

瓜洲口占

江流卅里近蕪城飽曳風帆自在行却好帆收風亦住
半灘急雨點篙聲

秦郵舟中有懷

荒郵水宿逼殘更，
巒社湖高兩岸平。
鐙火暫依漁戶泊，
風波屢似雁奴驚。
老人白髮鄉園健，
游子青衫涕淚輕。
愁思正如霜後草，
一回芟却一回生。

表浦留別曼生聽香

握手千里外，
脂車又北行。
風高寒雁警，
月白大河橫。
蟻磨空陳迹，
鷗鄉有舊盟。
酒悲成跌宕，
思慰初程。

魚溝

驛壁弓刀黯，
欲愁車箱僵。
臥過魚溝幾，
株髡柳旗亭外。
鞭影如絲月一鉤。

書堰頭旅店壁

逼人霜氣太侵凌，狐帽貂裘總不勝。
歲暮流亡偏道路，客邊光景劇飛騰。
曉行畏盜常聯騎，野渡無舟慣踏冰。
鈴馱聲隨鐙影去，風沙吹得髮鬅鬢。

下邳

劉季原亡命陳王亦夥頤，英雄都混迹將相獨乘時。
垓下悲歌急關中仗劍隨，可憐千載下失鹿罪高斯。

自邳州抵陰平宿二首

孤城迢遞接通津，帽影鞭絲拂暗塵。
自入秋來無一雨，算離家後已三旬。
漸漸野水呼官渡，鼎鼎殘年話旅人。
七尺頑軀雙轂轉，出門辛苦等勞薪。

茅柴酒劣喚頻添，瓦銚烹茶似澆鹽。
不減一鐙依土壁

無多殘月上蘆簾人情樸野寧嫌陋書劒飄零尚戒嚴
羨喜朝來風日美馬頭青露遠山尖

調午橋二絕句

樂府歌成有所思旅人心事一鎗知高吟驚起陳郎夢
月白霜寒雁過時

杜陵野老鄜州月兒女關心亦可憐只恐閨中有同夢
風吹不到嶧山邊

四絕句

一曲歌傳秋士恨四條絃寫女兒心相逢總似搏沙雁
何處風塵覓賞音

天寒小病怯深杯畫壁旗亭總費才未到銷魂已惆悵

多生何苦帶情來

檀槽宛轉當心畫翠鈿分明掠鬢斜門外北風吹馬耳
驚心撲面是霜花

歌聲不敵馬嘶驕曲罷當筵未寂寥待借殘杯澆壘塊
酒醒時節更無膠

河間

銅駝已沒日華宮礪角殘碑問牧童自昔賢王求治急
至今姪女數錢工西風落葉房淵赤野戍荒屯細柳空
欲訪陽城高隱處中條山冷夕陽中

趙北口坐冰牀戲作

直沽水凍河無聲七十二淀波濤平元冰腹堅厚百尺

中有鼉足交撐撐寒芒四射肌骨清眩奪銀海搖光晶
龍宮寶藏掩不得障以百幅琉璃屏居人踏冰如踏地
坐我方牀恣遊戲河上無勞杭葦吟天邊忽到乘槎使
胷中冰雪吐光怪水國羣靈亦趨避雙輪轉轂刺長篙
不車不舟總如意須臾兩脅天風招衣輕似挾鰲人綃
宓妃羅襪恍來去琴高赤鯉爭遊遨長橋連蜷跨十里
一十二洞皆通潮環瀛浩淼望不極只有珠光貝氣搏
青霄平生涉險嗟動魄此際方將笑河伯眼前利涉通
津梁偏向海鷗分片席只愁躍入冰壺中更與蛟龍爭
窟宅仰看析木動星辰萬里寥寥天一碧

雄縣旅舍書懷五首

平沙得得馬蹄閒，指顧燕南趙北間。
喜聽村氓太平鼓，西風吹滿大雄關。

笑負頭顱廿七年，旅懷差覺壯遊偏。
太行佳氣來天上，北斗寒芒近日邊。

崢嶸時節客邊催，鄉思嘗騰入夢來。
夢薦辛盤介春酒，全家笑口爲親開。

六十老人今抱孫，貧家猶足具雞豚。
青紅兒女鐙前說，一月前頭我出門。

塵釜熟抄新脫粟，瓦盆生漉凍殘菹。
算來未負將軍腹，歲暮窮檐尚不如。

曉過白溝河古木平沙殊有畫意二絕句

古木寒鴉聚遠洲畫圖誰仿李營邱更添行旅蒼茫色
殘夢初醒過白溝

平沙莽蒼兼天遠病柳槎枒倒地僵一點曉星空際白
最難著筆是烟光

雞鳴曲

雞初鳴夜方半行人起出門看夢如雲忽吹散月在天
河拍岸雞再鳴出茅屋車遙遙往而復夢如雲斷復續
月西斜河水落驚風兮吹衣僕夫兮涕洟鼓胡隴兮作
馬語髮如蓬兮亂飛嗟行人兮在途迫歲暮而安歸遵
皇路之坦坦膏吾車兮載馳四馬蕭蕭明星漸高曉夢
兮無迹晨雞兮三號

臚唱恭紀

太史祥書五色雲鈞韶親切九霄聞于今薄海咸歸
德稽古中天總右文小草倍殷葵藿志閒鷗許傍鳳鸞
羣鴻臚高唱朝儀肅

玉座遙瞻寶扇分

賜大緞二匹謝

恩恭紀

舞蹈趨聯佩

恩榮等賜緋尚方將束帛

天子正垂衣華袞他年補青氈舊業微倘容歸戲綵歡
喜報庭闈

勤政殿引

見蒙

恩授庶吉士恭紀

萬壽山高曙色分

九重閭闔對松雲親從釋褐簪毫始仰見

宵衣旰食勤 殿角星芒垂正色 禁中花氣散南薰

書生獨荷

殊恩沛萬卷容窺祕閣芸

圓明園道中

新晴送喜到官鴉 輦道無聲碾碧沙官柳青遮玉河

水脚雲低覆 苑牆花地從首善開風氣職在中和驗

物華賜雨况占時若候都人沿路話桑麻

大風雨舟泊百草窪用東坡法華山韻同方稚回

明經懋作

通流曉入山左界直瀉洪河挾諸派牽船上水鷁退飛
却羨來船挂帆快滿天風濶雲勢重水立如山鬪澎湃
官塘土厚一丈高力束奔瀧爭扼隘倉皇繫纜古柳根
溜雨空腔半株壞檣竿岌岌震霆繞電掣癡雲吐光怪
篷窗檢點書篋濕那得船頭夕陽曬獰飈捲地四面來
岸草紛披如拔薤今宵差喜枕簟涼一洗煩蒸破天械
滿身熱癩無一箇匹若爬搔祛癩疥榜人瑟縮水禽似
雨立襪襪羽毛鍛併將清景入歸夢火急挑鐙了詩債

稚回和余前詩墨韻奉贈

篷窗坐守如劃界

君與余各坐一舟

苦築詩城爭別派詰朝相見

更摩壘落筆鋒銛截犀快此時但愁風雨驚入耳尚詫
波濤湃未經七十二閘險排日嚴程先奪隘天公有意
張吾軍作陣頽雲忽崩壞直教行氣吐長虹未免刺腸
森百怪舟行竟日晚始晴列燾高張布帆曬雄詞漫塞
口懸河醉墨且看書倒薤羨君捷足驟飛鞚愧我白戰
無寸械却憎暑雨太蒸淫嗜膚蚊蠅似攢疥詩成未敢
便輕敵飲羽驚禽翻先鍛策勲飲至讓君先已分尋常
添酒債

南虹小泊

船艚捎葦葉水次冒荷花暑雨黃梅過湖風白鳥斜野
塘喧吠蛤古廟聚靈鴉亦有江南意沿隄響鈞車

還家

承歡進康爵送喜鬧比鄰此日還家日終身報

人
國身丹鉛餘事業毛羽惜風塵且蠟登山屐招呼舊酒

剡溪二首

昨登會稽山今弄剡溪水溪水十丈深毛髮清見底輕
帆挂西風薄暮卸行李霜清楓葉變雨過巖壑洗猿啼
送歸樵鳥語迂遊子茅屋三兩家丹崖白雲裏耕漁得
吾宗二百年居此豈惟林巒奇頗愛風俗美族多情易

疎身賤家屢徙所須辦雞豚明日召鄰里
瀑流上下巖谿雲與之合樵歌東西嶺風吹互相答
青石氣滋門掩蘿翠匝寒姿媚孤松遠勢撐紺塔茅堂
正環溪跡與麋鹿雜兒童拾橡歸落葉荒徑踏淹留只
旬日曾不暖臥榻離懷眷幽棲辜負雙屐蠟

是程堂集卷第九

嘉和庵中成
雙於真州
廂舍

秣陵陶士立仿宋書王日華董刊